

Dinahtł'aa Ch'ittheh Danh *John ts'anah Netł'adn*

1 ¹Heneek koht'iin honay ehtsiin aanah neexon nühts'a' ndzineetł'at. Ay ch'ale' hetsihuuthadn ts'anah nlij. Ay ch'ale' idziitth'agn ch'daq. Ay ch'ale' neenaagn' eh ts'inih'ij'. Ay ch'ale' hoşsuu' ts'a' ts'inih'ij'. Ay ch'ale' neeła' eh ch'idaq' bidzeltsat. ²Tłaan T'ooodıht'ayay duunoo' hohchaah ts'a' honay huu'iich'ooneh'iin eh, neexon ay ch'ah ts'inih'ij'. Ay ch'ah aanah ts'ihqohee tl'aan ay koht'iin honay ehtsiin, Doo T'ooodıht'ay, Neeta', eh ıda', ay tl'aan T'ooodıht'ay Ay nee'iich'ooneh'iin. Ay ch'ah aanah nüh'eh ts'ihqohee. ³Dii ts'inih'iin tl'aan dii idziitth'agn ch'idaq' hoş' aanah nüh'eh ts'ihqohee. Hög' hotdij', hoş' hee'atnayh eh, T'ooodıht'ay, Neeta', eh *Jesus Christ*, Ushye'e, eh ts'ehlagn ijnij' k'eh daht'e' xaah, Huu'eh ts'ehlagn ijnij' k'eh neexon hoş'eh k'eh t'ey. ⁴Hög' ch'ah ndzineetł'at, nee'eh hoşchaa' haasaanay tahleeł chih xaah.

5 "T'ooodıht'ay neldeegn niign nlij. Tł'üh k'at'ey ushiit ij'ay," T'ooodıht'ay Ushye'e hoş' nee'ehnay tl'aan k'aaduu' hoş' nühts'enih. ⁶Ay eh, "T'ooodıht'ay eh ts'ehlagn ijnij' k'eh ts'ijliin," ts'enij de' t'oot'ey tl'üh shiit nats'etdagn de', elshyagn koht'iin ts'ijlii tl'aan ląq' niignk'eetaat k'ahotdaj. ⁷T'oot'ey neldeegn shiit nats'etdagn de', T'ooodıht'ay neldeegn shiit nliin k'eh, ląhtthagn nił k'eh ts'ehlagn ijnij' k'eh ts'ijł ii tl'aan T'ooodıht'ay Ushye'e, *Jesus*, dall' neech'a' neets'ant'ay' nanii'iich'ot.

8 Neetah ts'anah doot'ey, "Sts'ant'ay' kol," nay de', ay ch'ah diihaa' na'itnat'-aa tl'aan ląq' niign k'eetaat k'adehnay. ⁹T'oot'ey neetah ts'anah doot'ey, "Ląq' ts'ant'ay dihdijj," T'ooodıht'ay ehnijh de', its'ant'ay' its'a' uutaa'aał tl'aan its'ahqot'ay' ch'a' naitaach'ot. T'ooodıht'ay hoş' dit-shyaagn, tth'idee'ay nliin xaah tl'aan nts'aq' nay k'eetaat dı' xaah. ¹⁰Neetahts'anah doot'ey, "Sts'ant'ay' kol," nay de', ay ch'ah T'ooodıht'ay nts'aq' nay k'ıq' hoşqohee tl'aan T'ooodıht'ay Aaneegn' udzee' shiit k'a'ii'ay ts'a' k'at'ey k'ahohthadn.

2 ¹Nühxon hu' sts'ijkey iin k'eh daht'eh. Ay eh nühts'a' hoş' jindhihtł'at, ts'ant'ay niign k'atahdil xaah. T'oot'ey doot'ey ts'ant'ay dı' de', Neets'iniiniign T'ooodıht'ay, Neeta', naał neexaah hoşqohee.

Jesus Christ Doo tth'idee'ay, ch'ale' ay. ²Neexaaah hoq' det-shyaak, Uxaa' neets'ant'ay' neets'a' uutet'-aan xaah. Neexaaah hoq' det-shyaagn tl'aan Uxaa' jah nan' k'et koht'iin iin lahtthagn' ts'ant'ay' huuts'a' chih utat'-aał.

³Nts'aq' *Christ* nee'ehnay k'eetaat hotdąy eh, Bints'etnay heets'etnay. ⁴Doot'ey, "Bi'ishnayh," dąq' nıh de', t'oott'ey nts'aq' nay k'eetaat k'aday, ay dineh elshyak tl'aan ɬaq'niign k'eetaat k'adąy. ⁵Ay tl'aan doot'ey nts'aq' nay k'eetaat dąy, ay ch'ale' ɬay eh hoqchaa' T'oodıht'ay xantsiị. Hoq' xaa' T'oodıht'ay eh ts'ehłagn k'eh ts'ijliin ɬay eh heets'etnayh, jan ch'ah xaa'. ⁶Doot'ey, "T'oodıht'ay eh ts'ehłagn k'eh dihdı'," hoq' nay, ay dineh *Jesus* dąy k'eetaat taadiił.

⁷Nühxaa'ihtsiin, nts'aq' koht'iin taheel aanah nühts'a' jindhiht'adn, ay ch'ah k'aadu'u k'a'iiłay. Nts'aq' koht'iin tahleel niithaadm dą' dahtth'agn, ndeehh T'oodıht'ay Aaneegn' ch'ittheh ɬaq' utdahnay dą', ay ch'ah aanah nühts'a' jindhiht'at shiị. ⁸T'oott'ey tay' t'ey nts'aq' koht'iin tahleel k'aadu'u na'et-łiị, t'axoh maanah nühts'a' jindhiht'and xaah. Ay nts'aq' koht'iin tahleel k'aadu'u k'eetaat *Christ* k'ashyąq' t'ey dinnee iin xantsiin tl'aan nühxon hu' k'ashyąq' t'ey *Christ* xaa' dinnee iin xaa'ahtsiị. Hoq' k'eexaan neldzeegn eh nat-tł'adn k'odatniik tl'aan ɬaq' neldzeegn nildzeek.

⁹Doot'ey, "Neldzeegn niign k'eetaat koht'iin ihłii," hoq' nay t'oott'ey dii*Christian* koht'iin ts'ida'uudiht'ay, ay ch'ale' tth'ihtah na-tł'adn niign k'eetaat koht'iin nliị. ¹⁰Doot'ey niłk'eetaat noo'dii*Christian* koht'iin xantsiin, ay ch'ale' neldzeegn niign k'eetaat ɬaq' eh koht'iin nliị tl'aan diit'ey k'a'uttheh diitay t'aak'et dalthagn. ¹¹T'oott'ey doo dii*Christian* koht'iin ts'ida'uudiht'ay, ay ch'ale' nat-tł'adn niign k'eetaat koht'iin nliị tl'aan nat-tł'adn natetdaak. Nuugn tidhihshay hits'etniik, nat-tł'adn eh unaagn' kol eh.

¹²Nühxon ts'ijkey gaay daht'ay iin nühts'a' jindhiht'at, *Jesus* Qosii' xaa' nühts'ant'ay'nühts'a' uutet'-aan xaah. ¹³Nühxon ch'itay daht'ay iin nühts'a' jindhiht'at, T'oodıht'ay Ushye'e Doo ch'ittheh hetsihuuthadn dą' ts'anlı nliin bi'atnay xaah. Dineh iin chiił nliin iin nühts'a' jindhiht'at, ts'ant'ay, doo ts'ahqot'ay nliin, ch'idhaht'üü xaah. ¹⁴Nühxon ts'ijkey gaay daht'ay iin nühts'a' jindhiht'at, Neeta', T'oodıht'ay, Bi'atnay xaah. Nühxon ch'itay daht'ay iin nühts'a' jindhiht'at, T'oodıht'ay Ushye'e doo ch'ittheh hetsihuuthadn dą' ts'anlı nliin bi'atnay xaah. Dineh iin chiił nliin iin nühts'a' jindhiht'at, dahtay xaah. T'oodıht'ay Aaneegn' nühdzee' shiit eedlah tl'aan doo ts'ahqot'ay nliin ch'idhaht'üü.

¹⁵Jah nan'k'et bihqqlıin eh jah nan' k'et ts'an kaah k'adaaniitatdee. Doot'ey jah nan' k'et bihqqlıin kaah daaniitatdee de', k'at'ey T'oodıht'ay, Neeta', haa'iitsiin. ¹⁶Dinee iin shiit ts'anlı ts'ahqot'eh ts'a' kaah daaniihetdeee eh, dinnee iin nts'aq' hiineh'ay tl'aan hiiniithan kaah

daaniihetdee eh, dinee iin huuts'an xaah, "Ihchaa," nahetdee eh, ḥahtthagn' jah nan'k'et ts'an ḥoq'lii t'aan jah nan'k'et bihqołii. T'ooodiht'ay Neeta', ts'anh k'abihułay. ¹⁷Jah nan' k'et t'aan, dinee iin dii huuıhdlaq ts'a' kaah daaniihetdee, ḥahtthagn' bootahkol. T'oot'ey doo dine' nts'qa' T'ooodiht'ay niithan k'eetaat dąy, ay ch'ale' duunoo' ḥohchaah ts'a' hoonayh.

¹⁸Nühxon ts'ijikey gaay daht'ay iin "Utnal'-aal k'eh nuuniithat," nühdihnih. "Doo Christ itsidel-'ay taahaał," ḥoq' nühhennay ch'idą'. T'aan t'axo ndlaan iin Christ itsihdel-'ah. Ay eh utnal'-aal k'ahjiil nuuniithadn heets'etnayh. ¹⁹Ay iin neetah ts'anh ḥaq' k'ahiiłay eh, neech'a' ḥtahteedeeł. Neetah ts'anh hijiin de', noo' uudih nee'eh hihdelthii de'. T'oot'ey neech'a' ḥtahteedeeł, ḥahtthagn' iin neetah ts'anh k'ahiiłay, huu'iich'otnah'iil xaah.

²⁰T'oot'ey Jesus, ts'ant'ay kol koht'iin nliin, T'ooodiht'ay Otdeegn' nüht'aa'jii'qa. Ay xaa' ḥahtthagn' nühxon hu' ḥaq' niign hee'atnayh.

²¹Ay eh nüht's'a' jindhiht'at, ḥaq' niign hee'atnay k'eexaan. ḥaq' niign hits'atniign ts'a' t'ey, ḥoq' xaah k'ānuht's'a' jindhiht'andn. Ts'ehłagn elshyak ts'a' t'ey ḥaq' niign ts'anh k'a'iilay hee'atnayh chih.

²²Doo t'ey, "Jesus ay Christ k'a'iilay," ḥoq' nay, ay ch'ale' elshyak dine' nlii. Ay ch'ale' Christ itsidelay. Ay dine' T'ooodiht'ay, Neeta', eh Ushye'e ena' ihtsiin. ²³Doot'ey T'ooodiht'ay Ushye'e ena' ihtsiin, ay ch'ah Neeta', T'ooodiht'ay, chih ena' ihtsiin. Doot'ey T'ooodiht'ay Ushye'e iniithanh, ay ch'ah Neeta', T'ooodiht'ay, chih iniithanh.

²⁴Heneek T'ooodiht'ay Aaneegn' ch'ittheh ḥaq' utdahnay dą' ts'anh idahth'agn, noo' uudih ḥaq' utdahniił. Ay heneek noo' uudih nühdzee' shiit eedlay de', T'ooodiht'ay Ushye'e eh Neeta', T'ooodiht'ay, eh ts'ehłagn k'eh tahdił. ²⁵Jan heneek suu' neetl'aahqodlah t'aan ḥaq' eh dąq' nee'ehnay, "Duunoo' ḥohchaah ts'a'uutahnayh."

²⁶Doo iin nadahuuts'inuu'aa nühhunay aanah ḥoq' jindhiht'at.

²⁷T'oot'ey nühxon du', Christ T'ooodiht'ay Otdeegn' nüht'aa'jii'aaan, nühsheeit noo' uudih eedah, ch'ishyon t'axoh ay utdaldii xaah hanüh'utnahtanh xaah. T'ooodiht'ay Otdeegn' huu'ıhdbląq ts'a' aanah utdaldii xaah hanüh'uunehtanh t'aan ḥaq' niign nlii t'aan elshyak ts'a' k'a'iilay. T'aan nts'qa' Christ utdaldii xaah hanüh'uunehtaq k'eetaat, noo' uudih beh ts'ehłagn k'eh tahdił.

²⁸Ay eh t'axoh, nühxon ts'eeniin daht'ay iin, noo'uudih beh ts'ehłagn k'eh tahdił. Ay de', ndeech Jesus nataadaal t'aan hutnah'iil danh neexon nats'elsee k'eh t'ey ḥoqt'eh t'aan unaał k'ats'utnat-shaal. ²⁹Christ tth'idee'ay nliin bi'atnay eh, doo tth'idee'ay niign dąy iin T'ooodiht'ay ts'eeniinn' hijiin hee'atnayh chih.

3 ¹Shdahtth'ak! Neexon hu' T'ooodiht'ay, Neeta', ḥoqchaa' neexantsiin eh, T'ooodiht'ay Ts'eeniinn' nee'itnii'qa. T'aan Uts'eeniinn' iin ḥaq'

ts'iiłii. Hoq' k'eexaan, jah nan' k'et koht'iin nee'its'ihetniik. T'oot'ey T'oodıht'ay t'ey Bits'ihetniik. ²Nühxaa'ihtsiin, t'axoh T'oodıht'ay Ts'eeniinn' ts'iiłii t'oot'ey noo' haathał danh nts'aq' neetah tth'ihtah k'anee'ich'ooneh'ay. Dąq' heets'etnayh: Ndeeh *Christ* hitnah'iil danh, *Christ* k'eh neetahtsay, nts'aq' łaq' nliin ts'itnah'iil xaah. ³Huuhjhdlaq ts'a' dąq' uutaałeel heehetnay iin ts'ant'ay hotdąy an' hihdeltth'ih, *Christ* ts'ant'ay day an' hetdeldah k'eetaat.

⁴Doot'ey ts'ant'ay niign dąy, ch'ale' T'oodıht'ay Aaneegn' k'a'ik'ahohthadn. Doot'ey ts'ant'ay niign dąy, T'oodıht'ay Aaneegn' k'a'ik'ahohthadn eh, ay ch'ale' ts'ant'ay ii'etdąy. ⁵*Christ* dinee iin ts'ant'ay łtaa'uulee niishyah. Hoo' hee'atnayh. T'oot'ey ts'ehłagn ts'ant'ay t'ey *Christ* k'a'ushiit ij'ay. ⁶Ay eh huuhjhdlaq ts'a' *Christ* eh ts'ehłagn k'eh dąy, noo' uudih ts'ant'ay k'adąy. T'oot'ey doot'ey noo' uudih ts'ant'ay niign dąy, ay ch'ale' ch'ida' ts'anh kat'ey ineh'ay tłaan k'at'ey ii'itnay.

⁷Nühxon ts'eeniin daht'ay, sq' nadanühnuu'aa! Doot'ey tth'idee'ay niign dąy tth'idee'ay koht'iin nlii, *Christ* tth'idee'ay nliin k'eh. ⁸Doot'ey noo' uudih ts'ant'ay niign dąy, ts'ant'ay ts'anh bihöqlii. Ts'ant'ay ch'ittheh T'oodıht'ay k'iq' ts'ant'ay niign det-shyaagn dą' ts'anh ts'ant'ay niign dii. Hoq' xaah ch'ale' T'oodıht'ay Ushye'e niishyah, nts'aq' ts'ant'ay dąy łootdalnay xaah.

⁹Doot'ey T'oodıht'ay ts'eeniinn' nliin, ay ch'ale' noo' uudih ts'ant'ay k'adet-shyaagn, T'oodıht'ay honayh ts'a' ushiit ij'ay xaah. T'oodıht'ay uta' nliin eh, noo' uudih ts'uuts'aq' ts'ant'ay k'ataadiil. ¹⁰Dąq' xaa' doo iin T'oodıht'ay ts'eeniinn' hijiin tłaan doo iin ts'ant'ay ts'eeniinn' hijiin hitnah'iil: huuhjhdlaq ts'a' tth'idee'ay niign k'adąy eh k'at'ey dii*Christian* koht'iin xantsiin, ay ch'ale' T'oodıht'ay ts'eeniinn' k'a'iiłay.

¹¹Jan heneek ch'ittheh T'oodıht'ay Aneegn' łaq' uudahnay dą' ts'anh idahth'ak: "Niłxaah tat-tsiił." ¹²Dineh *Cain* moqsii' t'ey k'eh k'atsaałeel. Ay dineh doo ts'ahqot'ay nliin ts'an nlii tłaan diichiil dhehxii. Dii xaah idhehxii? Hoq'hut-shyaagn, nts'aq' dąy ch'its'aq' niign nliin xaah, tłaan nts'aq' uchiil dąy' hoşsu' ts'a' nliin xaah.

¹³Ay eh, sh*Christian* koht'iin iin, jan nan' k'et koht'iin iin ts'idanühdiht'eh de', sq' ch'aa' uu'alshyaagn. ¹⁴Ehtii ts'a' niign ch'a' łtaatseedel tłaan honayh ts'a' niign xaah niits'niideel heets'etnayh, *Christian* koht'iin iin xaah ts'iiłsiin xaah. Doot'ey k'ahuuxantsiin tth'ihtah ehtii ts'a' niign natetdaak. ¹⁵Doot'ey dii*Christian* koht'iin ts'ida'uudiht'ay, ay ch'ale' dinet dhehxeegn dine' nlii. Tłaan dinet dhehxeegn dine' duunoo' höchchaah ts'a' k'ahuunay hee'atnayh. ¹⁶Jan xaa' xantsiin niign aanah heets'etnayh: *Jesus* tła'a'idiltii, neexaaah uhte' xaah. Neexon chih tła'a'idzaltii, *Christian* koht'iin xaah ts'uhte' xaah. ¹⁷Dineh uts'an höqliin de' tłaan dii*Christian* koht'iin nił k'eenoo' nasaajht'ay ineh'jih de', t'oot'ey teechuh k'a'iniithan de', "T'oodıht'ay xaa'ihtsiił," hoq'

nay eh, shyaq' t'ey hoqhee. ¹⁸Nühxon ts'eeniin daht'ay, sq' heneegn xaa' shii' niłxaa'aat-tsiin t'oot'ey nts'aq' dahdji' xaa'. Sq' nühtthuul' eh shyaq' t'ey uunahhee xaa' niłxaa'aat-tsiin t'oot'ey ląq' niigndahdji xaa'.

¹⁹Ay eh, hoq' k'eetaat niłxaats'et-tsiin eh, T'oodjih'tay ts'an ts'ijiiin heets'etnayh. T'oodjih'tay ląq' niign nljii. Ay xaah neexon T'oodjih'tay naa needzee' shiit hoqsu' ts'a' taaleeł. ²⁰Needzee' neets'a' hidadehetsiidiin de' t'ey, T'oodjih'tay t'ay' neet'ay' ch'ahnood' nliin heets'etnayh. Needzee' nee'etnayh ch'ahnood' T'oodjih'tay nee'etnayh. T'oodjih'tay huu'ihdląq ts'a' hee'etnayh. ²¹Ay eh, nühxaa'ihtsiin, needzee' neets'a' k'ahidadehetsiidiin de' t'ey, T'oodjih'tay naal nats'elsee k'eh t'ey hoq'eh. ²²Dii't'ey xaah T'oodjih'tay uudzehkadn neet'aa'ij'aq, nts'aq' koht'iin tahleeł hoq' nee'ehnay k'eetaat ik'ats'ihoohdee xaah tl'aan nts'aq' Baahqosoon ehtsayh k'eetaat hotdji' xaah. ²³Nts'aq' koht'iin tahleeł T'oodjih'tay nee'uudijinay dąq' ch'ah nt'eh: Ushye'e Qosii', Jesus Christ ląq' utdahniil tl'aan niłxaatat-tsii', nts'aq' koht'iin tahleeł Christ hoq'nee'ehnay k'eetaat. ²⁴Doo iin t'ey nts'aq' koht'iin tahleeł T'oodjih'tay uudijinay noo' uudih ik'ahohdee iin T'oodjih'tay eh ts'ehłagn k'eh hel'ih tl'aan noo' uudih huushiit ij'ay. Dotdeegn' neet'aa'ij'aq xaa' T'oodjih'tay neeshiit ij'ay heets'etnayh.

4 ¹Nühxaa'ihtsiin, sq' huuhijhlaq ts'a', "T'oodjih'tay Otdeegn' shiit ij'ay," hoq' nay ląq' uudahnay! T'oot'ey ay tthee' k'ahahnayh, T'oodjih'tay Otdeegn' ushiit ij'ay de' utdaldii xaah. Hoq' ch'ah tahdiil, dąq' xaah: ndlaan iin holshyak niign otdeegn' huushiit ij'ay iin, Toodjih'tay xaah hoqhee iin k'eh hii'ihdeltsii' tl'aan nił ch'idanh danh key nahtetdak. ²Dąq' ch'ah eh T'oodjih'tay Otdeegn'huushiit ij'ay de' heetatnayh: ay iin tah ts'anah huuhijhlaq ts'a', "Jesus Christ jan nan' k'et dineh beehqołii," hoq' nay, ay ch'ale' T'oodjih'tay Otdeegn' ushiit ij'ay. ³T'oot'ey doot'ey Jesus aanah k'alaq' hoq' nay, ay ch'ale' T'oodjih'tay Otdeegn' k'a'ushiit ij'ay. Ay holshyak niign otdeegn' Christ itsidel'ay ts'anah niishyah. Christ itsidel'ay taahaal idahth'agn ch'idą' tl'aan t'axo jah nan' k'et shiit eedah.

⁴Sts'ijkey k'eh daht'ay iin, T'oodjih'tay ts'an ahlij' tl'aan holshyak niign otdeegn' iin ch'idhaht'uih. T'oodjih'tay Otdeegn' nühshiit ij'ay ut'ay', ay ch'ah ch'otdeegn' jah nan' k'et koht'iin shiit ij'ay ch'ahnood' nljii. ⁵Ay holshyak niign otdeegn' iin jah nan' k'et ts'anah beehqołii tl'aan jah nan' k'et aanah hihhqhee tl'aan jah nan' k'et koht'iin ay iin huhdiith'ak. ⁶T'oot'ey T'oodjih'tay ts'anah nee'ehqołii. Doot'ey bi'etnay neediitth'ak. Doot'ey T'oodjih'tay ts'anah k'abehuufeel k'aneediitth'agn. Ay eh hoq' xaa' ląq' t'ey Otdeegn' tl'aan holshyak niign otdeegn' iits'etnayh. Nts'aq' niign ch'its'aq' lits'et nayh.

⁷Nühxaa'ihtsiin, niłxaatsat-tsii', xantsiin niign T'oodjih'tay ts'anah beehqołiiin xaah. Doo dinee iin xantsiin T'oodjih'tay ts'eeniinn' nljii tl'aan T'oodjih'tay ii'etnayh. ⁸Doo dinee iin k'ayaa'iitsiin, ay ch'ah T'oodjih'tay

k'a'ii'itnay, T'ooodiht'ay xantsiin niign nl̄ij xaah. ⁹Daq' ch'ah eh T'ooodiht'ay neexantsiin nee'iich'ooneh'ijj: T'ooodiht'ay Diishye'e t'aa'ay jah nan' k'et tuushya' xaah iteh'a', Ushye'e xaa' uutsaanayh xaah. ¹⁰Xantsiin t'ey jan k'eh nt'eh: T'ooodiht'ay neexantsijj t̄laan Diishye'e iteh'a', uxaa' neets'ant'ay' neets'q' uutat'-aał xaah. K'at'ey T'ooodiht'ay xaah ts'ijtsiin t'oot'ey neexantsijj.

¹¹Nühxaa'ihtsiin, T'ooodiht'ay hoq' ch'ah neexantsiin eh, ay t̄laan niłxaatat-tsijj. ¹²Doot'eych'idą' ts'anah k'at'ey T'ooodiht'ay ineh'ay.

Niłxaats'it-tsijj' de', T'ooodiht'ay neeshiit ij'ay t̄laan nts'q' niign neexantsiin k'eh uxaa' ts'ijtsijj'.

¹³Daq' ch'ah eh T'ooodiht'ay eh ts'ehłagn k'eh ts'el'ih t̄laan neeshiit ij'ay łaq' heets'etnayh: T'ooodiht'ay Dotdeegn' neet'aadidh'qą. ¹⁴T̄laan Jesus ts'ineh'ijj t̄laan, "T'ooodiht'ay Diishye'e jan nan' k'et koht'iin huutahshii xaah iteh'a'," ch'ishyon iin hoq' tsenih. ¹⁵Doot'ey, "Jesus T'ooodiht'ay Ushye'e nl̄ij," hoq' nay, T'ooodiht'ay ay shiit ij'ay t̄laan ay ch'ale' T'ooodiht'ay eh ts'ehłagn k'eh el'ih. ¹⁶Neexon hu' nts'q' niign neexaaah det-shyaagn eh, neexantsiin heets'etnayh. Hoq' det-shyaagn eh, chih neexantsiin łaq' uts'uunijh.

T'ooodiht'ay xantsiin niign nl̄ij t̄laan doo T'ooodiht'ay xantsiin k'eh noo'uudih xantsiin, ay ch'ale' T'ooodiht'ay eh ts'ehłagn k'eh nt'eh t̄laan T'ooodiht'ay ay shiit ij'ay. ¹⁷Hoq' ch'ah eh T'ooodiht'ay xantsiin niign nee'eh Łanelt'eh nt'eh, noo' haathał danh ndeeh nts'q' hotday xaah nee'etdatjakhay danh ts'uutaahel xaah k'ats'utnat-shaal xaah. *Christ* Diita' xantsiin eh t'axoh dagn nan' k'et yeh ts'ehłagn nl̄in k'eh, jah nan' k'et T'ooodiht'ay eh ts'ehłagn k'eh hotday. ¹⁸Dinee iin du' hoq' helt'eh ts'q' T'ooodiht'ay xantsiin niign k'eetaat hetday, ay iin ch'ale' k'ahniliidn. Łanelt'eh ts'q' xantsiin niign hoq'liin eh, uuneliit niign k'odatniik. Nił'eh k'a'it-łay. Ay ch'ah jan xaah: uuneliit niign ch'oonelshaa danh niiniishyah. T̄laan doot'ey neljiidn, ay ch'ale' T'ooodiht'ay niign xantsiin eh Łanelt'eh ts'q' k'a'iiłay.

¹⁹T'ooodiht'ay ch'ittheh neexantsiin eh ch'ishyon iin xaats'ijtsijj'. ²⁰Doot'ey, "T'ooodiht'ay xaa'ihtsijj,'" hoq' njh de', t'oot'ey dii*Christian* koht'iin ts'idayuudiht'ay, ay ch'ale' elshyak dine' nl̄ij. Ay ch'ah k'at'ey T'ooodiht'ay, Doo k'a'ineh'ay, xaa'itsiin, k'at'ey dii*Christian* koht'iin, doo ineh'iin, xantsiin de' t'ey. ²¹Ay eh T'ooodiht'ay nts'q' koht'iin tahleel hoq'ehnay daq' ch'ah nt'eh: doo T'ooodiht'ay xantsiin dii*Christian* koht'iin xantsijj' chih.

5 ¹*Jesus*, Doo T'ooodiht'ay ch'itah haa'ijtiin, huutahshii xaah, *Christ* nl̄ij. Doot'ey ay ch'ah łaq' uunay, ay ch'ale' T'ooodiht'ay ts'anah eehqołij. Doot'ey Neeta', T'ooodiht'ay, xantsiin T'ooodiht'ay ts'eeniinn' iin chih xantsijj'. ²T'ooodiht'ay ts'eeniinn' iin xaats'ijtsiin heetsetnayh, T'ooodiht'ay xaats'ijtsijj' de' t̄laan nts'q' koht'iin ahłij hoq' nay k'eetaat

hotdąy de'. ³ Łay eh T'oodıht'ay xaats'iiitsji' de', nts'aq' koht'iin ahłii hoq' nay k'eetaat hotdąy. Tł'aan nts'aq' koht'iin ahłii hoq' nee'ehnay, xeeł ndüü tsaaxeeł k'eh k'ahuut'ay. ⁴ Ay ch'ah jan xaah. Dii'tey T'oodıht'ay ts'an hooq'lıin jan nan' k'et chaat'üh. T'oodıht'ay łaq' ts'iiniithan xaa' jan nan' k'et ntsaat'üh. ⁵ Tł'aan doo jan nan' k'et chaat'üh? Doo Jesus T'oodıht'ay Ushye'e nliin łaq' uunay, ay ch'ah jan nan' k'et chaat'üh.

⁶Jesus Christ, Ay ch'ale' niishay xaah, tuu eh tuu yehtsji' tł'aan dał eh ehtji'. Tuu xaa' shi' k'aniishay t'oot'ey tuu xaa' eh dał xaa' niishyah. Tł'aan Toodıht'ay Otdeegn' hu' hoq' ch'ah niign łaq' niign nliin huu'ich'ooneh'ih. Botdeegn', ay xaa' ch'ah dinee iin łaq' niign hehtatnayh. ⁷Taagn t'ey hoqch'ah łaq' niign nliin huu'ich'ooneh'ih. ⁸ Jan ch'ah hijt'eh: T'oodıht'ay Otdeegn' eh ay tuu eh ay dał. Łahthagn' taagn t'ey nił k'eetaat huu'ich'ooneh'ih. ⁹T'oodıht'ay hoq' ch'ah łaq' niign Diishye'e aanah nliin huu'ich'ooneh'ih. Dinee iin du' dii łaq' niign nliin nee'ich'ohneh'ay łaq' ts'uunih t'oot'ey T'oodıht'ay łaq' niign nliin nee'ich'ohneh'ay eh ch'ahnoo' nt'eh. ¹⁰Doo T'oodıht'ay Ushye'e łaq' uunay, ay ch'ale' dii hi'ich'ooneh'ay uuniik. T'oot'ey doo T'oodıht'ay k'alaq' uunay, T'oodıht'ay elshyak ts'q' k'eh yehtsji', łaq' niign Diishye'e aanah hich'ooneh'ay k'alaq' uunay xaah. ¹¹Ay eh łaq' niign nliin nee'ich'ohneh'ay dąq' ch'ah nt'eh: duunoo' hohchaah ts'q' huuhonayh ts'q' neetł'aa'ji'aq. Shye'e xaa' duunoo' hohchaah ts'q' ts'oonayh. ¹²Doo Ushye'e uuniign, ay ch'ale' ay honayh ts'q' uts'an hoq'lıi. Doo T'oodıht'ay Ushye'e k'auuniign, ay ch'ale' ay honayh ts'q' k'a'uts'an huułay.

¹³Hoq' ch'ah nüjhjindhiht'at, duunoo' hohchaah ts'q' huhnayh heetatnay xaah. Nühxon hu' T'oodıht'ay Ushye'e Qosii' łaq' uudahnay nüjhjindhiht'at. ¹⁴Hoq' k'eexaan T'oodıht'ay xaah hithadzelxoo k'ats'ineljiidn. Ndeeh hithadzelxoo danh nts'aq' ts'iiniithanh de', nts'aq' niithan niign k'eetaat nliin, neediith'agn heets'etnayh. ¹⁵Ndeeh t'ey uts'q' hithadzelxoo danh, neediith'ak. Hoq' ch'ah łaq' niign nliin heets'etnay eh, diit'ey xaah hithadaelxoo neetł'aa'ji'aan heets'etnay chih.

¹⁶Doot'ey diiChristian koht'iin ts'ant'ay day ehtji' ts'q' k'a'ideltsay ineh'ih de', yaa hotnaadee tł'aan T'oodıht'ay honayh ts'q' yitł'aataa'aał. Łahthagn' ay koht'iin iin xaah hoq' ch'ah uutaaleeł. T'oot'ey ts'ant'ay day ehtji' ts'q' ideltsay nlii. Ay aanah hotnahdee k'ahq' nühdihnhay.

¹⁷Huu'jhndląq ts'q' ts'ahqot'eh ts'q' niign ts'ant'ay nlii. Tł'aan ts'ant'ay day ehtji' ts'q' k'a'ideltsay nlii.

¹⁸Huu'jhndląq ts'q' T'oodıht'ay ts'an hooq'lıin noo' uudih ts'ant'ay k'adąy heets'etnayh. T'oot'ey Ushye'e ay hoqos' ts'q' ik'anehtaa', doo ts'ahqot'ay nliin k'at'ey uutaanagn xaah.

¹⁹T'oodıht'ay ts'an ts'ijiilin heets'etnayh tł'aan doo ts'ahqot'ay nliin jan nan' k'et hohchaah ts'q' k'ach'ihohłe' heets'etnayh.

²⁰Tł'aan T'oodıht'ay Ushye'e niishay heets'etnayh tł'aan Uxa'a' uuk'eenits'ijiideek ts'q' heets'etnayh, Doo łaq' T'oodıht'ay nliin heets'etnay

xaah. Tł'aan T'oodı̄ht'ay eh ts'ehłagn ts'iiłii tł'aan Ushye'e, *Jesus Christ*, eh ts'ehłagn ts'iiłii. Łąq' T'oodı̄ht'ay eh duunoo' hóhchaah ts'ą' honayh ts'ą' hijłii. ²¹Sts'iłkey k'eh daht'ay iin, huu'uudatnnih, shyaq' t'ey t'oodı̄ht'ay hijłiiin k'ałqa' utdahniil xaah.